

OBRAZAC "ODGOVORI NA VIJEĆNIČKA PITANJA"

Datum: 31.03..2022. godine

BOSNA I HERCEGOVINA
FEDERACIJA BOSNE I HERCEGOVINE
KANTON SREDNJA BOSNA-SREDAJBOGANSKI KANTON
OPĆINA BUBOVAČA
OPĆINSKI VIJEĆNIK

PRILJENO:	0504/2022
ORG. JED.	10. sjednica Općinskog vijeća
08	40-9 / 14/2

Ime i prezime vijećnika: Dragan Lovrić

Lijep pozdrav svim nazočnim/prisutnim, kao i slušateljima Radio postaje Busovača. Moje vijećničko pitanje se odnosi na naknadu za vatrogastvo. Naime, prije nekoliko sjednica na Općinskom vijeću smo imali Izvješće/Izvještaj o radu Dobrovoljnog vatrogasnog društva. Tada sam, a i prije 2 godine, tražio od izvjestitelja da nam dostavi cijenu koja je potrebna za jedno moderno vatrogasno vozilo. Do danas to još nismo dobili. U kakvom je stanju danas Dobrovoljno vatrogasno društvo glede voznog parka, neću puno govoriti, jer ćemo ubrzo imati Izvješće/Izvještaj za 2021. godinu, pa ćemo nešto više o tome tada komentirati/komentarirati. U Izvješću/Izvještaju za 2020. godinu stoji kako je općina glavni financijer/finansijer tog društva i da su u 2020. godini imali prihod cca 128.000,00 KM, uglavnom od općine, a približno toliko i rahode. Pred sobom gledam jedno rješenje koje je općina izdala jednoj tvrtci/firmi na kojem stoji da na godišnjoj razini imaju obavezu da plate ovu naknadu negdje oko 10.000,00 KM. Naravno, jasno je da taj iznos ovisi o kvadraturi. Čini mi se da na našoj općini postoji još tvrtki koje plaćaju ovakav ili sličan iznos. U Proračunu općine za 2022. godinu planirano je da općina po osvoj osnovi oprihode oko 70.000,00 KM. Nekako mi više zvuči da ovo društvo financiraju/finansiraju gospodarski subjekti koji podliježu pod ovu naknadu. Možda ni tu ne bi bio problem da su oni sigurni da će naše Dobrovoljno vatrogasno društvo adekvatno odgovoriti kod nekih većih požara, a izdvajaju za njih određenu količinu sredstava, nego oni će morati angažirati/angažovati druga slična društva ili Specijalne vatrogasne službe za koje će dodatno možda plaćati ili pak/ipak registrirati/registrovati pri svojim tvrtkama/firmama slična vatrogasna društva i tako bili oslobođeni ove naknade i sigurniji u protupožarnu zaštitu. Da bi riješili neke dileme i adekvatno odgovorili na ove upite pojedinih gospodarstvenika, od nadležne službe tražim da do naredne sjednice Općinskog vijeća napravi popis tvrtki/firmi i svih drugih organa na koje se odnosi ova naknada, koliko plaćaju na mjesečnoj i godišnjoj razini, kao i onih što ne plaćaju i po kojoj osnovi su oslobođeni.

Nadležnost: Služba za CIVILNU ZAŠTITU

Odgovorna osoba/funkcija: gosp. NEVENKA ŠABRANOVIĆ

Odgovor:

U vezi sa navedenim želimo da vas obavijestimo o slijedećem:

Mjerila za utvrđivanje visine naknade za vatrogastvo, su prema jedinici izgrađene korisne površine (m²) za stambeni i poslovni prostor, objekte društvenog standarda i naknade koja se određuje prema izvatku iz posjedovnog lista izdatog od strane nadležne općinske službe, čiji su obveznici vlasnici ili nositelji prava raspolaganja na stambenom, poslovnom ili na drugom prostoru obradivoj površini ili šumi ako su korisnici tog prostora, odnosno obradive površine ili šume i zakupci stambenog, poslovnog ili drugog prostora, obradive površine ili šume. Člankom 12. Odluke se određuje i visina naknade za vatrogastvo po jedinici korisne površine prostora (m²) za jedan mjesec, i to prema veličini rizika.

1) Visoko rizični poslovni subjekti:

- c) Izgrađeni poslovni prostor - hale / zatvoreni prostor.....0,07 KM,
- b) Ostale površine.....0,03 KM,

2) Rizični poslovni subjekti:

a) Izgrađeni poslovni prostor

- do 500 (m²).....0,07 KM,
- do 1000 (m²).....0,06 KM,
- do 2000 (m²).....0,04 KM,
- preko 2000 (m²).....0,03 KM,

- c) Ostale površine
do 1000 (m²).....0,03 KM,
do 3000 (m²).....0,02 KM,
preko 3000 (m²).....0,01 KM,
- 3) Nisko rizični:
a) Izgrađeni poslovni prostor..... 0,04 KM,
d) Ostali prostor.....0,01 KM.

S tim da mjesečni iznos naknade ne može biti manji od 5 KM. Na temelju činjeničnog stanja i po službenoj evidenciji Službe za geodetske i imovinsko-pravne poslove općine Busovača, utvrđuje da li je navedeni obveznik i vlasnik i korisnik poslovnih prostora i izgrađenih poslovnih objekata (hale, skladišta i sl.) po kojima se utvrđuje visina naknade za vatrogastvo za koeficijent izgrađenog prostora u visini od 0,03-0,07 ovisno od veličine izgrađenog objekta. Naime, istim i sličnim tvrtkama koje se proširuju, slijedi izmjena rješenja za vatrogasnu naknadu zbog promjene podataka poslovnog prostora i drugih površina, po svakom novom izvratku iz posjedovnog lista izdatog od strane nadležne općinske službe.

Shodno članku 8. Odluke - Izuzetno, od obveze plaćanja vatrogasne naknade mogu se osloboditi gospodarska društva koja u svom sastavu imaju profesionalnu vatrogasnu postrojbu, uz koji je obveznik dužan priložiti dokumentaciju kojom dokazuje svoj status. Na području općine Busovača je oslobođena samo jedna firma, i to: „TAMEX“ d.o.o. Busovača, koja posjeduje vatrogasno vozilo i imaju profesionalnu vatrogasnu postrojbu/jedinicu tj. ljudstvo, kao i svu neophodnu dokumentaciju.

U svakom izdatom rješenju stoji napomena: **Ukoliko dođe do promjene korisnika, odnosno površine poslovnog prostora obveznik je dužan obavijestiti nadležnu Službu za nastale promjene.**

Protiv svakog našeg izdatog rješenja ima se pravo uložiti žalba u roku od 15 dana, a isto tako su bili dužni obavijestiti nadležnu službu o nastalim promjenama koje bi mogle utjecati na obvezu plaćanja naknade za vatrogastvo.

Prema našoj evidenciji, u privitku ovog odgovora su spiskovi svih aktivnih obveznika vatrogasne naknade za ožujak/mart, 03/2022. godine.

Cijenimo da bi iz svega naprijed navedenog trebali prepoznati našu dobru volju i korektan odnos prema poduzećima kojima se zbog većih iznosa plaćanja vatrogasne naknade ne uzima u cijelosti sva površina koju posjeduje u obračunu, ali i zbog olakšica i pomoći Općine poduzetnicima u poslovanju.

Sva Rješenja o utvrđivanju obveze plaćanja naknade za vatrogastvo su izdata na temelju Odluke o naknadi za vatrogastvo, broj: 02-02-856/16 od 25.02.2016. godine, koju je donijelo Općinsko vijeće.

Izvor informacije (interni/opći-vanjski): interni

Datum odgovora: 05.04.2022.godine



Polpis: _____

Načelnik: _____